

Powšitkowne WOZJEWJENJA

njedźelu, 17. měrca 2019

Póstne seminary w Smochćicach k přichodej cyrkwyje

„Lóšt, nic hněw. Cyrkej mjez měrniwosću a wužadanjom“ rěka hlowna tema lětušich póstnych seminarow w Smochčanskim Domje biskopa Bena. Na druhim wječoru póndźelu, 18. měrca změje Susanne Bühl z Würzburga zawodne słowa k temje „Cyrkej je wjace hač wosada na přikładze St. Egidio“. A póndźelu, 25. měrca, porěčitaj referentaj Michael Funke z Lipska a farar Sebastian Zehme z Großenhaina k temje „Wosada pyta nowe puće w Lipsku a Großenhainje“. Seminary, kotrež započnu so stajnje w 19.30 hodź., zarjadowuje Dom biskopa Bena w kooperaciji z Ewangelsko-lutherskim cyrkwiskim wobwodom Budyšin-Kamjenc, Budyskim dekanatom a Towarstwom Cyrila a Metoda z.t.

Młodžina na nócne modlenje do Kulowa

Dekanatna młodžina je na nócne modlenje sobotu, 30. měrca, w 21 hodź. do Kulowa přeprašena. Tema rěka „Mój podžěl w kraju žiwych“. Jich wočakuje mjez druhim Taizéski nyšpor před Najswjećišim, přiležnosć k swjatej spowědži a wopólnocy njedźelna Boža mša.

Měrowy swjedžen we Wostrowcu

Towarstwo Cyrila a Metoda z.t. přeprašuje Serbow, zo bychu sej sobotu, 23. měrca, wot popołdnja hač do wječora do Wostrowca na mjeztym třeci Měrowy swjedžen doješli. Z nim ma so znova znamjo za demokratiju, swětawotewrjenosć, tolerantnosć a měr postajić. W 20 hodź. wotměje so tam hodžinu trajaca diskusija w rjedže „Sakski konopej“. Zajimcy, kotřiž chcyli něhdže w 17 hodź. sobu do Wostrowca wotjěć, měli so hač do wutory, 19. měrca, w redakciji Katolskeho Posoła pod telefonowym číslom (0 35 91) 55 02 10 přizjewić. ► www.ostritzer-friedensfest.de

Duchowny oratorij zaklinči

Lubowarjo duchowneje hudźby smědža so na wosebitu hudźbnu chlósćenku wjeselić. Po 25 lětach zaklinči zaso oratorij „Israelowa zrudoba a tróšt“ wot Korle Awgusta Kocora. Komponist sam je tež słowa ze Stareho zakonja wupytał. Pod wumělskim nawodom Judith Kubicec spěwaja chóry Lipa, Meja a Serbskeho ludoweho ansambla (SLA) a hraje orchester SLA z hudźbnikami „Sinfonietty“ z Drježdžan. Solisća su Romy Petrick (sopran), Britta Schwarz (alt), Jens-Uwe Mürner (tenor) a komorny spěwar profesor Matthias Henneberg (bas). Dwurěčny tekstowy zešiwk so wšěm poskići.

Wšitcy su wutrobnje přeprašeni na předstajeni duchowneho oratorija „Israelowa zrudoba a tróšt“ – sobotu, 6. apryla, w 19.00 hodź. do Chróšćanskeje cyrkwyje a njedźelu, 7. apryla, w 17 hodź. do Drježdžanskeje Křižneje cyrkwyje. Twórba zaklinči w orchestralnym wobdźělanju Stefana Malzewa.

Serbske kemše w Drježdžanach

Drježdžanscy Serbja su na maćernorěčnu Božu mšu njedźelu, 24. měrca, w 16.00 hodź. do cyrkwyje swjateho Antonija w Drježdžanach-Löbtauwje, Bünauska hasa 10, přeprašeni. Kemše změje farar Gabriš Nawka. Božej mši přizamknje so zetkanje w tamnišej wosadnicy.

Program k projektej „Swětło pozbudža“

We wobłuku wuměstwoweho projekta „Swětło pozbudža“ je tutu njedźelu, 17. měrca, w 15 hodź. póstne předowanje w Budyskim klóšterku, kotraž změje jezuitski pater Johannes Jeran z Drježdźan. We 18 hodź. wotměje so w Marije-Marćinej cyrkwi pasionska vesper. Hudźbny nawod změje Yuko Ikeda.

Na póstnym seminarje póndźelu, 18. měrca, w 19.30 hodź. poda Susanne Bühl z Würzburga zawodne słowa k temje „Cyrkej je wjace hač wosada na přikładze St. Egidio“. Do šule modlenja pod hesłom „Modlić so – ale kak?“ su zajimcy wutoru, 19. měrca wot 19.30 do 21 hodź. do Budyskeho klóšterka přeprošeni. Při tym dóstanu impulsy, móža zwučować a nazhonjenja wuměnjec. Přizjewić měli so pod telefonowym čisłom (0 35 91) 21 10 83.

Staršiski forum k temje „Hdyž něchtó naraz dže“ wotměje so srjedu, 20. měrca, w 19.30 hodź. na Budyskej žurli swjateho Bena, Tzschirnerowa 12. Forum k temje smjerc měri so wosebje na staršich, kotrychž džěci póndu abo hižo do zakładneje šule chodža.

Na komplet su wšitcy pjatk, 22. měrca, w 21. hodź. do tachantskeje cyrkwy přeprošeni. Skupina NOCELLI da sobotu, 23. měrca, w 17 hodź. w klóšterku koncert w rjedže Duchowna hudźba.

Emeritowany biskop Alfons Nossol z Opoli změje přichodnu njedźelu, 24. měrca, w 15 hodź. w cyrkwi Našeje lubeje knjenje póstne předowanje. Samsny džen we 18 hodź. wotměje so w Marije-Marćinej cyrkwi pasionska vesper. Hudźbny nawod změje cyrkwinski hudźbny direktor Michael Vetter.

Cyłkowny program projekta „Swětło pozbudža“ je pod www.posol.de wozjewjeny.

Zhromadny džen za 3. do 5. lětnik

Dekanatne dušepastyrstwo přeprošuje džěci 3. do 5. lětnika sobotu, 23. měrca, wot 9.00 do 15.00 hodź. na zhromadny džen do Don Boskowneho domu we Worklecach. Zajimcy njech so prošu hač do wutory, 19. měrca, pod telefonowym čisłom (03 57 96) 8 87 07 we Worklecach přizjewja. Za wudawki dnja zběra so wot kóždneho wobdžělnika přinošk, kotryž wučinja štyri eura.

Pytaja kubłarku

Radworski Katolski serbski džěćacy dom „Alojs Andrlicki“ pyta kubłarku. Nadrobniše informacije poda wjednica Andrea Henichowa, telefonowe čisło (03 59 35) 20 717.

Koncert za akordeon a pišćełe w klóštrje

Pod hesłom „Ave Maria“ zaklinča njedźelu, 24. měrca, w 16.30 hodź. w klóšterskeje cyrkwi w Pančicach hudźbne modlitwy a meditacije k póstnemu časej a wysokemu swjedženjej Přizjewjenja Knjeza. Z Flöhy pochodžacy akordeonist Michał Lieberwirth a Budyski cyrkwinski hudźbnik a komponist Feliks Brojer zahrajetaj w tutej wosebitej a zdobom njewšědnej instrumentalnej zestawje wobdžělane twórby mjezynarodnych komponistow. Wšitcy zajimcy su wutrobnje přeprošeni. Zastup je darmotny. Při durjach budže zběrka.

Swědka wěry dožiwić

Po přikładze japoštołow putnikuje kapucin Fra Elia po wšěm swěće, zo by ludźi misionował. Wot 1990 dožiwja na swojim ćěle Jezusowy pasion. Swój misioniski centrum ma w Calvi dell'Umbriji w Italskej. Tam hdys a hdys tež putnikow z Italskeje a wšeho swěta přijimuje. Njedźelu, 12. meje, porěči Fra Elia wot 15 do 17 hodź. w propstowskeje cyrkwi swjateho Jana Nepomuka w Kamjenicy. Nadrobniše informacije nańdu zajimcy pod www.posol.de.

Předstajenja komedije „Čeplski recept“

Serbska lajska dźiwadłowa skupina Chróscicy z.t. předstaji swoju komediju „Čeplski recept“ tutu njedźelu, 17. měrca, w 16.00 hodź. w Radworskej „Meji“, njedźelu, 24. měrca, w 16.00 hodź. w Haslowje pola Bizoldec a njedźelu, 31. měrca, w 16.00 hodź. w Šunowskej Fabrikskej hospodze. Wšitcy zajimcy su wutrobnje witani.

Putniska jězba do Ukrainy

Putniska jězba do ukrainskeho Lviva (pólsce Lwów, němsce Lemberg) wotměje so wot štwórtka do wutory, 8. do 13. awgusta, ze Šmitec jězbami w Radworju. Hłowne město zapadneje Ukrainy je ze swojimi stawiznami a kulturu wulce zajimawe. Wšako je w běhu svojich stawiznow přežiwiło pólske, rakuske, sowjetske a němske knjejstwo. Wobdžělimy so na příklad na Božej mši po grjeksko-katolskim wobrjedze a wobhladamy sej katolsku uniwersitu. Dokładny program móža sej zajimcy pod www.posol.de wobhladać. Přizjewjenja su móžne pola Šmitec wozydłownistwa w Radworju, telefonowe čisło (03 59 35) 28 60. *T. Kubašec*

Putnikowanja z busom a lětađłom

Tež lětsa přeprošuju zaso zajimcow na putniske jězby. Přenja powjedze wot njedzele do njedzele, 23. do 30. junija, z busom do Toskany. Dalša putniska jězba z busom budze wot štwórtka, 3. oktobra, do wutory, 15. oktobra, do Lourdesa, Fatimy, Santiaga de Compostele a do Avile. Z lětađłom podamy so wot njedzele do njedzele, 8. do 15. septembra, na putnikowanje do Swjateho kraja. Nadrobniše informacije dóstanu zajimcy pod telefonowymaj čisłomaj (01 63) 7 33 82 05 abo (03 57 96) 9 54 28 (po 19 hodź.) abo pola mje w Hórkach, Sydlišćowy puć 2. *Maćij Hadank*